

### DEZENVOLVIMENTU BA RESENTES KAREIRAS NO OPORTUNIDADE SERVISU BA TIMOROAN SIRA

ConocoPhillips ho ami nia kontratores sira husi Projetu Bayu-Undan kontinua husu no kria kampu de trabalho ka empregu no oportunidade treinu ba Timoroan sira. Iha Dezembru 2015, Timoroan hamutuk 372 mak hetan servisu iha atividades Bayu-Undan.

Tuir mai ho akabamentu programa manutensaun resente tasi laran nian, ami nia ekipa operasaun, servisu hamutuk ho kontratores hanesan Clough AMEC P/L, SDV Timor-Leste no Bureau Veritas, identifika tiha ona opsoens ba empregu adisional ba rekursus humanus Timoroan kompetentes ne'ebé hala'o tiha ona servisu iha programa ne'e.

Ami mos hala'o nafatin dezenvolvimentu hodi kapasita ami nia forsa de trabalho liu husi servisu hirak ne'ebé hala'o dadaun ho treinu formal no providencia tan oportunidades ba kareiras avansadas. Lee kona-ba ezemplus balu iha boletim nee.

### PROMOSAUN TÉKNIKUS FSO BA AREA RESPONSABILIDADE NIAN

Lúcio Monteiro no Edgar Soares, ami nia téknikus operasaun na'in rua ne'ebé hala'o servisu iha Unidade Flutuante ba Armazenamentu no ba Deskaregamentu mina-rai no gas (FSO), sira remata sira nia kursu no prosesu iha área ba sira nia kompetênsia iha 2015.

Hahú husi tinan kotuk, sira servisu mesak iha área ba sira nia responsabilidade, la ho assistênsia.

FSO uza atu rai ka armazena mina-rai no gas to'o ema sosa ka fa'an.



Edgar Soares, Técnico operador FSO.

### ESTABELESIMENTU PAPEL OFISIAL BA APROVIZIONAMENTU IHA DILI ATU HAFORSA CONOCOPHILLIPS NIA ESTRATEJIA APROVIZIONAMENTU LOKAL

Iha 2015, ami nia pesoál ida husi Dili, Reinalda Pires, transferida husi Finanzas ba iha SUPPLY CHAIN, no sai hanesan oficial aprovizionamentu. Papel ida ne'e importante ho responsabilidade boot atu ajuda hasa'e qualidade fornecedores Timor-Leste nian iha partisipasaun atividades Bayu-Undan, hodi fó suporta ba komprometimentu ho merkadu Timor nian, fó assistênsia ba fornecedores Timoroan sira bele komprende kona-ba ami nia prosesu aprovizionamentu, no assiste ami nia kontratores atu negosia ho negosiantes lokal.

Reinalda nia servisu atu halibur ka rekolha informasaun mak iha relasaun ho vendor lokal sira nia kapasidade no atu atualiza dados registados husi fornecedores Timor-Leste nian.

Nia ba vizita no halo ona revizaun ba Timoroan na'in 10 sira nia negósiu atu identifika fornecedor potencial ba materiais no servisu konsistente ho rekizitus Bayu-Undan nian. Nia mos servisu ho Ekipa infill wells nian atu identifika possibilidade ba oportunidades aprovizionamentu mak atu atinji, no Ekipa Kontratus haree husi potencialidade ba materiais lokais iha kontratu fornese hahán nian.



Reinalda Pires, Oficial Aprovizionamentu iha Dili

### TREINAMENTU TEKNIKU HALAO HO SUSESU

Ema na'in 18 hetan selesaun husi ConocoPhillips no Clough AMEC, ba tuir treinu téknikal iha faze rua durante fulan ne'en : ida kona-ba mekanikal no ida seluk eletrikal. Iha final programa ne'e, timoroan na'in 9 hetan kualifikasaun ho Sertifikadu II iha Enjenharia Mekânica no na'in seluk ho Sertifikadu II iha Elektroteknolojia. Foin dadauk ne'e sira hala'o sira nia serimónia graduasaun iha Dili.

Treinu-na'in sira hatudu sira nia entuziasmu ba iha programa ne'e no ami kongratula sira ba sira nia susesu. Graduadaus tiha, sira sei iha liu tan oportunidade atu dezenvolve sira nia an no hetan experiênsia mao de obra iha Bayu-Undan.



Serimónia graduasaun iha Dili

## MANUTENSAUN BOOT HO PROGRAMA TRANZISAUN EMPREGU

Iha 2015, Manutensaun ba Integridade Propriedade/ Patrimóniu Bayu-Undan (AIM) nia ekipa kompleta horas extras liu 2.5 milhoens ba tempu ne'eb'e gasta, la iha asidentes atu jere patrimóniu nia kondisoens. Kampanha AIM ne'e envolve trabalhadores manutensaun lubuk ida no kompleta ona durante tinan tolu ho balu. Oras ne'e ekipa ki'ik ida mak sei jere hela programa manutensaun ne'e.

Durante 2015, Operasoens no Manutensaun ne'ebé hala'o liu husi avaliasaun forsa de trabalho Timor-Leste nian, inkluzive entrevista ida-ida ho pesoal hot-hotu ho objetivu atu bele mantein Timoroan barak liu tiha kampanha ne'e.

Nia rezultadu pozitivu, Timoroan barak mak hela ka representa 52% husi forsa trabalho ne'e, to'o 29%. Ami halo esforsu no buka alternativa empregu nia opsoens ba rekursus Timoroan hanesan :

- Ba treinunain sira Saúde Seguransa no Ambiente nian oras ne'e tama ona hanesan empregadu iha Ekipa Manutensaun no sira simu tan treinamentu no hetan mentorizaun husi Clough AMEC Senior HSE Advisor.
- AIM Bridge Controller nain ne'en hetan pozisaun foun; na'in rua empregadu hanesan treinunain ba HSE kontratadu husi Clough AMEC; na'in rua empregadu hanesan pintores kontratadu husi Clough AMEC; na'in ida empregadu hanesan administrador Helikóptero ho SDV Timor-Leste; no na'in ida tan empregadu hanesan inspector treinuna'in kontratadu husi Bureau Veritas;
- Kontroladora Dokumentus AIM no Coordenadora ba Timesheet transferida fali ba Analista Dados iha rai maran nian.

## OPORTUNIDADE BA DEZENVOLVIMENTU KAREIRA HUSI SEAFOX

Seafox providensia Akomodasaun Prinsipál sira ba Bayu-Undan no atualmente nia fo servisu ema Timoroan na'in 14. Sira hahú sira nia programa treinamentu iha tinan 2012 no liu tiha tinan haat servisu hamutuk ho Caltech, Seafox harii ka kria ekipa boot ida ho Timoroan mesak kompetentes no kapasitadus hodi servisu iha sira nia ekipa primária ba pozisoens iha tasi laran nian hanesan:

- Treinu-na'in, nain rua husi HSE hetan promosaun ba iha ekipa sentral Junior HSE-Officers depois de servisu ho supervizaun no mentoring husi Safety Officer durante tinan rua.
- Timoroan na'in rua tama servisu, hahú hanesan pintor, ne'ebé hetan ordem atu tuir treinamentu ba mekâniku iha supervizaun no mentoring husi Enjenheiru-Xefe, oras ne'e hetan promosaun ba ekipa sentral Mekânikus Junior nian.
- Timor oan ida ne'ebé tuir treinamentu Eletresista nian, depois de kompleta ho susesu nia treinamentu durante tinan rua iha supervizaun no mentoring husi Eletresista – Xefe, hetan promosaun ba ekipa operacional sentral eletresistas nian.
- Timoroan Rig Administrator nain ida transfere ba Helicopter Landing Officer (HLO) no Muster Coordinator foin dadaun hetan promosaun ba Operador Rádio; iha pozisaun ekipa sentral hanesan membru ekipa.
- Timoroan na'in walu seluk tama servisu hanesan ajudante ró nian ka tuir treinamentu iha operasaun ajudante ró nian, no kontribui ba iha operasaun lor-loron nian husi operasoens ekipa sentral.



Elena Ximenes membru ekipa HSE junior



Joao Dos Santos, membru ekipa sentral –Mekâniku junior

## DEZENVOLVIMентU OPORTUNIDADE BA KAREIRAS HUSI CALLIDUS

Callidus providensia servisu manutensaun ba válvulas ba Bayu-Undan no hatama ema Timor-oan na'in haat ba servisu iha nia planu kontiudu lokal nia okos. Sira aprende liu tiha husi makinista ba supervisor kursu intensivu iha tinan lima liu ba Nelson Baptista.

Dezenvolvimentu prosesu ida ne'e prezisa treinamentu signifikativu iha Kurikulu ba válvulas Callidus' relaciona ho kompetênsias liu husi treinu external ba entidades hanesan mos partisipasaun iha enseramentu husi plantas gas nian no facilidades tasi laran nian.

Atividades hirak ne'e fó oportunidade promosaun husi Nelson atu halo kursu intensivu ba Ekipa lideransa no resentemente kursu intensivu ba Supervizores. Iha papel ida ne'e, Nelson providensia kona-ba maneira atu hatene oin sá ema kontrola sira nia temperamentu no teste kona-ba presaun atu negocia ho téknikus ne'ebé tama servisu liu husi Caltech, treinu ne'e hala'ó ho susesu lideradu husi auditores kualifikadu oi-oin mak kaer ka lidera treinamentu ne'e.



**Hamriik iha sorin karuk liu: Nelson Baptista, Supervisor Kursu Intensivu ba Téknikus Válvulas Callidus'**

## CONOCOPHILLIPS KONTINUA FÓ SUPORTE BA KAPASITASAUN EMPREZÁRIUS TIMOROAN

Iha tinan tolu nia laran, ConocoPhillips estabese servisu hamutuk ho Institutu ba Suporta dezenvolvimentu Emprezarial /IADE hodi ajuda facilita sira nia Kompetisaun ba Planu negosiu inovativu".

Kompetisaun ne'e hala'ó iha Munisipiu12 - iha Timor laran no enkoraja emprezáriu lokal atu halo sira nia planu negosiu hodi hetan oportunidade atu manán. Iha 2015, 270 candidatus rejista sira nia planu negosiu no 218 hatama tuir tan ba segunda faze. Emprezárius susedidus hirak ne'e manán oportunidade atu hola parte iha treinamentu "Hahú ó nia Negosiu". Ne'e tama ka inklui mos avaliasaun ba negósio, tuir konselhu, no kapasidade ba apresentasaun iha klase atu ajuda ho preparasaun ba planu negósio iha faze final kompetisaun, finalistas na'in 15 selesionadus no na'in 3 manán-nain mak fó sai iha kompetisaun final.

Iha primeiru lugar monu ba iha Cesar Gaio ho ideia negósio 'Mobile Kitchen' promove hahán lokal Timor nian.

Segundu lugar, Mazarela Lay ne'ebé apresenta nia planu kona-ba Kantina iha Kampus', no iha terseiru lugar, ba Egidio Soares mak hala'ó kona-ba Ekolojikal Turismu iha Balibo.

Tuir mai, manán-nain primeiru Cesar Gaio hili tan husi IADE atu ba tuir treinu fulan 6 (ne'en) kona-ba Hospitalidade iha Nova Zelândia.



**Manán-na'in, nain tolu husi kompetisaun ba planu negosiv inovativ 2015**

## BOLSEIRUS TIMOROAN NA'IN SANULU HUSI FULBRIGHT-SERN GRADUADU NO FILA UMA

ConocoPhillips no nia Co-Venturers iha Projetu Bayu-Undan, servisu hamutuk ho Ministériu Petróleu no Rekursus Minerais ho Embaixada Amerika iha Timor-Leste hala'ó servisu hamutuk hodi fó suporta ba estudantes Timoroan hodi hasai sira nia pos-graduaun iha enerjia, Kontabilidade no lei iha universidade selesionadu iha Estadus Unidus Amérika.

Iha Dezembru 2015, estudante na'in 10 hetan graduaun ho susesu husi sira nia respetivus estudus no fila fali ona mai Timor-Leste. Iha sira nia let iha Aida Baptista Pinto ne'ebé bá Amérika iha Marsu 2013 atu hasai Mestradu iha Administrasaun ba Negósius ho especialidade iha kontabilidade iha Universidade Akron, Ohio. Aida kompleta nia estudu no fila mai ona Timor-Leste iha fulan Dezembru 2015.

"Ha'u hakarak hatete katak, ha'u sente abensoada atu hetan no hasoru malu ho kolegas seluk Fulbrighters husi nasaun sira seluk, kultura, relijiaun, konhesimentu husi orijem la hanesan, especialidade no esperiênsia oi-oin. Ha'u aprende barak husi sira liu husi ami nia kounnikasaun ka interasaun.

Iha kolegas no belun husi fatin sel-seluk ajuda barak ha'u atu hanoin luan liu no nakloke. Komunitade Akron, comunidade ida ke di'ak liu mak hau hasoru ona. Ami Fulbrighters barak liu mak hela no hetan akomodasaun husi comunidade Akron iha semana ikus molok atu muda ba ami nia hela fatin rasik," Aida hato'o. Aumenta tan husi graduadu na'in sanulu, sei iha tan estudantes mak hala'ó ho progresu sira nia estudu iha US no sira hein atu fila mai Timor-Leste iha fulan Agostu 2016.



**Aida Pinto Baptista, Mestradu iha Administrasaun Kontabilidade, Universidade AKRON, OHIO**

## CONOCOPHILLIPS FÓ SUPORTA BA SESIM ATU SELEBRA DIA MUNDIAL SIÊNSIAS

ConocoPhillips fó suporte ba Sentru Estudu Siensia no Matematika (SESIM) atu selebra loron mundial Siênsias iha Dili iha 20 Novembru 2015. Selebrasaun ne'e atrai partisipasaun husi grupu estudantes 20, husi eskola primária no sekundária, husi munisípius 4 iha rai laran. Iha ne'ebá fó oportunidade ba estudantes sira hanesan parte kompetisaun atu hatudu sira nia projetus kona-ba matemátika no siênsias.

Durante kompetisaun, EBC Lay-Doe Laleia Junior Eskola Sekundária husi Munisípiu Manatutu selesionadu hanesan manán-nain ba level eskola primária ba sira nia projetu ho título "Impaktu fuma sigaru ba ema nia saúde." Ba level Eskola sekundária, eskola Sao Pedro Dili mak manán ho sira nia projetu peskiza kona-ba "Modelo eskavador".



**Estudantes Eskola Sekundária ho sira nia avaliadores ho SESIM no representante husi ConocoPhillips**